

Miroslav Lajčák: Stabilitet i integritet BiH neće biti ugroženi



Visoki predstavnik i specijalni predstavnik EU Miroslav Lajčák danas se u Sarajevu sastao sa generalom Johnom McCollom, zamjenikom vrhovnog komandanta NATO-a za Evropu i operativnim komandantom Operacije Althea/EUFOR.

Upoznavajući generala McColla sa trenutnom političkom situacijom u zemlji, visoki predstavnik i specijalni predstavnik EU je rekao da se Bosna i Hercegovina danas suočava sa dva izazova; prvi, koji se odnosi na funkcionalnost države, i drugi, koji se odnosi na njenu perspektivu brzog priključenja Evropskoj uniji.

“Mi i dalje insistiramo na funkcionalnosti države i poštivanju njenog suvereniteta i teritorijalnog integriteta”, rekao je Lajčák.

Podvukavši kako za budućnost BiH nema važnijeg koraka, Lajčák je rekao: “Nikome nije u interesu da se ispriječi na putu ove zemlje prema njenoj budućnosti u Evropskoj uniji”.

Visoki predstavnik i specijalni predstavnik EU je pozdravio tijesnu saradnju između EUFOR-a i OHR/EUSR-a, navodeći kako BiH pozdravlja prisustvo EUFOR-a, koje potcrtava i privrženost EU ovoj zemlji. General McColl se složio da je tijesna saradnja korisna za sve strane i naveo kako će “EUFOR ostati u zemlji sve dok ne obavi svoj zadatak, dajući svoj doprinos

uspostavi sigurnog okruženja”.

“U pogledu implementacije reforme odbrane, najveća prepreka je i dalje prenos vlasništva nad vojnom imovinom sa entitetskog na državni nivo u skladu sa zakonom”, rekao je Lajčák. “Mi očekujemo da državni i entitetski premijeri djeluju u skladu sa Zakonom o odbrani i ispoštuju sporazum koji su postigli u vezi sa procesom realizacije prenosa vlasništva u julu 2007. godine”.